

南巡盛典

奏議

卷一百一十三

45  
1.189  
45







南巡盛典卷一百十二

奏議

大學士公臣傅恒等謹

奏為遵

旨速議具奏事總督方觀承奏預備馬匹趕赴順

河集應用等因一摺奉

硃批原議大臣速議具奏欽此查臣等前因上駟

院之馬俱係預備各處太監乘騎及茶膳房

馱載物件原來時沿途疲乏倒斃留養後陸



續又有殘傷東省營驛馬匹業已通融四千匹抵補隨來拜唐阿兵丁倒斃疲乏官馬是以酌議於直隸附近東省營驛馬匹內挑備一千匹趕赴順河集等處抵補備用等因奏准行文在案今據該督奏稱於各驛內挑撥肥壯馬五百匹標營內挑撥肥壯馬五百匹又另備餘馬一百匹差遊擊王曰信等管押分作三起限於四月初四五等日趕到順河集應用等語是此項馬匹現在將次已到臨期自可不致有悞至到齊之後業經奉

旨派

臣

舒赫德前往將原留喂養馬匹再加查看可以乘騎者挑出不敷者卽照數補給如有餘剩預備抵換順河集留存拜唐阿兵丁疲瘦馬匹之用至所稱此項營驛馬匹似應卽行開除另籌買補足數請將所撥之驛馬於留二項下動銀買補所撥之營馬於朋扣項下動銀買補餘馬照此辦理並請於出直境之日卽將營驛應支馬乾草料均行扣除其



東江二省境內所支草豆卽由該省報銷毋庸直隸另議還項之處查營驛馬匹有差操各務最關緊要况直隸爲畿輔重地郵寄殷繁非他省可比馬額尤不便久懸此項缺額之營驛馬一千匹自宜卽行籌辦應如該督所請所撥之驛馬五百匹卽於留二項下動銀照數買補營馬五百匹卽於朋扣項下動銀照數買補餘馬一百匹如有換用亦准照此辦理至馬額旣已開除所有馬乾草料亦應如所請於出直境之日卽行扣清其東江二省境內沿途所支草豆據稱恐委員呼應不靈已移咨轉飭經過州縣備辦自應令該省查明照例核實報銷毋庸直隸另議還項以致牽混此項馬匹業已抵補上駟院其上駟院換下之馬該督雖稱留於東江二省就近撥補查東省業已籌備馬四千匹所有換出拜唐阿兵丁疲瘦馬匹自應存留東省撥抵至上駟院應換之馬自應於江省籌辦因



江省馬匹疲乏倒斃者多是以議令於直隸  
協濟直隸之馬既已代江省支應所有上駟  
院換下之馬自應令專留江省以補營驛缺  
額之數再據該督奏稱於奉文之前預備營  
馬一千五百匹今撥去營馬六百匹尚存馬  
九百匹趕赴德州或景州聽用等語辦理極  
爲妥協應令先期趕赴臨時如上駟院及拜  
唐阿等之馬有應更換者聽候更換俟  
命下之日臣等行文該督遵照辦理可也謹

奏乾隆十六年四月初六日奉

旨依議欽此



臣黃廷桂 臣王師 臣吉慶謹

奏為奏請事恭值民際十日奉

御輅南巡大小各官承辦差務俱應殫力奔走勉

盡職分卽有微勞原無足數但文武賢愚不

皇土一人心勤惰各殊若不分別勸懲恐無以鼓

賞示將來 臣等愚見除司道大員及已經奉

旨陞補並降級

奏請

恩准留任暨尋常供職之員均毋庸置議外所有



實在出力與衆不同之員江省尤所難得謹  
繕列名單恭呈

御覽應否

賞予記名恭候

皇上恩裁至臨事退諉並不急公之劣員事竣查  
確嚴加叅處庶使不肖者知所做戒急公者  
益思奮勉而江省官常舊習可得振肅矣謹

奏乾隆十六年四月初七日奉

旨著於行宮前帶領引見欽此

行在兵部謹

奏爲奏

聞事查得原交與山東喂養拜唐阿兵丁等乘騎  
馬六千三百七十三匹陸續倒斃馬一千二  
百三十三匹除疲乏難以帶往留養馬五百  
七十四匹外實在趕往順河集馬四千五百  
六十六匹尙可乘騎三四分不等臆馬揀選  
二千一百四十四匹從山東巡撫準泰所奏  
預備馬匹青州將軍屬下旗馬共四千一百



四十五匹內揀選四五分臚馬三千九百二十九匹合並六千七十三匹放給原交馬之拜唐阿兵丁等查得尙不敷用馬三百匹

上駟院爲換給馬匹原議調來直省馬一千匹內如

上駟院用足餘剩馬匹換給拜唐阿兵丁等乘騎可也等因在案現今從直省趕來馬一千匹又多備馬一百匹查看得因遠路趕來兼之稍爲緊急故馬臚不甚肥壯然而揀選三

四分臚可以乘騎馬六百六十二匹除換給

上駟院疲瘦缺空馬三百六十二匹外將尚可乘騎馬三百匹卽照原議足數放給拜唐阿兵丁等此項調換放給缺空馬匹從山東留養馬匹內撤出瘦馬三百匹直省選足餘剩馬四百三十八匹合並

上駟院所換馬三百六十二匹共馬一千一百匹除交與該省總兵官保住道員王德階遵照原議辦理外山東選足餘剩馬匹疲乏難



南巡盛典 卷一百一十二  
以帶往留養馬共計二千九百十二匹亦俱  
交與山東兗州總兵官王朝輔遵照原議辦  
理可也爲此謹

奏乾隆十六年四月初九日奉

旨知道了欽此

兵部左侍郎 臣 蔣炳謹

奏爲奏明事竊 臣 欽奉

諭旨會辦

回鑾車輛查催江南山東兩省將所辦車輛在順  
河集預備共四大套車四百六十七輛於四  
月初六初七初八等日督同兩省辦車道府  
並內務府司員監放計放給內務府  
鑾儀衛車共二百七十三輛內用江省預備車一  
百二十九輛東省預備車一百四十四輛其



南巡盛典 卷一百一十二  
餘車一百九十四輛並江省預備之三套兩套各車現聽隨

駕之大臣官員等自行僱用如有餘剩卽交山東辦車道府帶回東省爲沿途預備之用擬合

繕摺

奏明爲此謹  
奏乾隆十六年四月初九日奉

旨知道了欽此

御史 臣 李友棠謹

奏爲

聖澤已徧東南官方更須澄敘仰請  
勅諭江浙大吏清理積案以飭吏治事竊照江浙

士民久殷望幸

翠華南指大沛

恩膏凡茲黎元俱獲近

光而錫福誠曠代之殊遭昇平之極軌也惟是江浙地方素稱繁劇卽以詞訟一端論之繁難



南巡盛典 卷一百一十二  
州縣每日約有二三百件簡僻者亦不下百  
十件牧令專心辦理尙虞竭蹶偶爾公出壅  
滯恒多雖

鑾輅經臨供億咸支

帑項絲毫不擾官民而地方有司理應平治道  
路備具舟車先期料理敬謹將事一切田土  
戶婚命盜案件或限於才力不能兼顧因藉  
口辦差任意推延亦情理之所必有者伏讀  
上諭朕待督撫等惟因其能實心辦理令地方日

有起色加恩獎予而不知朕心者未必不以辦  
差華美爲工玩視民瘼此風一開於吏治民生  
所關甚大仰見我

皇上豫遊所至行慶  
施惠無非念切民依今值  
聖駕回鑾大差甫竣其牧令之夙號才能者方冀  
量錄辛勤妄希擢用庸懦自甘者又以甫經  
勞勩暫圖息肩於是苟且偷安卽大吏亦且  
不復深求積久生玩勢所不免正宜乘此急



加整頓以仰副

皇上省方觀民求寧求莫之至意

臣請

勅諭江浙督撫嚴飭所屬辦差州縣一應新舊大小事件分別先後立定期限責令道府等官不時督催應審結者審結應省釋者省釋倘有玩愒廢弛之員卽行據實糾叅毋得以辦差之後輒爲姑容如此則牧令益加奮勉案牘可以肅清於吏治民生不無裨益是否有當伏祈

睿鑒謹

奏乾隆十六年五月十六日奉

硃批所奏是著照所請行該部知道欽此



表算劉十六年正月十六日奉  
春望

兩江總督 臣 黃廷桂 安徽巡撫 臣 張師載 江

蘇巡撫 臣 王師漕運總督 臣 瑚寶 河道總督

臣 高斌 兩淮鹽政 臣 吉慶 安徽學政 臣 雙慶

江蘇學政 臣 莊有恭 謹

題為

南巡之曠典特隆

聖主之鴻仁普被敬陳下悃恭謝

天恩事欽惟我

皇上



恩覃九有

德奉三無

先知稼穡之艱難春秋補助

茂對行生之時物上下清寧休戚與百姓相通

和恒統萬方在宥乃八紘共沐

恩膏而兩江尤深骨髓瞻雲念切於後

后望幸竊恐夫後子遐邇情殷遠近申祝茲者幸

荷

天光之下鑒

特允鑾輅以時巡

帷殿承歡萃萬姓之嵩呼而

上壽

安輿親掖賡九如於天保以祝釐既問俗而省方遂

行慶而施惠諄詞告誡早事綢繆八政以食

為先截

天庾而家豐白粲利用以泉為急鑄

國寶而市滿青蚨供頓無煩於有司里閭之倉箱

常裕滋擾申嚴於下走麥隴之雞犬皆馴積



逋本民俗之疲寬無可寬三百萬之蠲除  
恩施格外賑濟破歲行之例加而益加億兆人之  
全活頌溢寰中賞從重而罰從輕鷺序鴈班  
湔除舊青藝必庸而善必錄文韜武畧丕煥  
新恩惠及牢盆春回斥鹵之地斤加綱引澤流瀛  
海之膏急公則榮備采章光生世業逐末而  
訓深敦本利貽子孫籽種盡寬災地免追呼  
之困苦益加餉軍丁飽豢養之仁商賈仍任  
其通行舟車無阻道路不嫌夫逼窄坵壟弗  
移乃

警蹕本屬

朝廷之尊嚴而

照臨更體編氓之幽隱金吾弛禁龍鱗雉尾共拜  
有道之

聖人玉勒徐行日角珠庭羣仰太平之

天子白鏹日頒於左藏而香粳黃絹猶宏養老之  
慈月餉已厚於行間而陸守水巡益沛恤軍  
之典至若黃運關民生之大往返忘



玉趾之勞石堰迴既倒之狂瀾人安衽席木龍奠

橫流之涿水功配平成加以樂育菁莪不遺

葑菲膠庠造士重開蕊榜之花草野陳詩遽

染鳳池之翰

鑾旗暫駐草木生春

玉輅遙臨山川增色

奎文仙藻大地騰燭漢之榮光鳳翥龍翔尺幅留

經天之壯采凡茲

隆恩之廣被黃童白叟心知感而口不能言

盛典之昭垂玉檢瑤編史欲書而筆難罄述蓋惟

祖故繩武遵

彝訓之著而四海情通健以承

天故順時施長養之功而三春溥澤

臣等躬逢極盛

幸沐

殊榮祇奉屬車之清塵備悉

廟廊之德意日飽

天厨之饌深愧素餐恪賡



帝訓之章載銘心版感

三接之示慈惠率百爾以近

龍光欲繪乾坤之容難名

高厚之大具區三萬六千頃未足喻此

恩波伊古七十有二君何自方斯

聖德敬上萬年之清頌慶篤

兩宮翹瞻

六御之重臨祥徵奕葉所有臣等感激懼忭下忱

謹合詞具

題恭謝

天恩伏祈

皇上睿鑒施行爲此謹具題

聞



皇土... 天恩... 朕恭...

兩江總督 臣 尹繼善等謹言

題為

聖主之仁德如天輿情之感激無地合詞籲奏恭

謝

天恩事據安徽布政使高晉江蘇布政使永寧詳

稱在籍紳士沈德潛韓孝基習篤趙青藜葉

長揚許集史貽簡葛祖亮王以昌姚孔鋱何

夢篆凌燾姚孔鋱牛天申高以靜朱士鈺郭

恒龔懋勳顧斌方求義端木長法等呈稱欽



惟我

皇上

功侔坤載

德合乾符

睿智光昭九維之幽隱畢達

垂儀作觀八柱之靈貺咸通

十六載厚澤深仁極東漸而西被

億萬年鴻猷丕烈總夏長以春生然率土本共

此尊親而兩江更深其覆育荷

天恩之浩蕩浹髓淪肌望

鑾輅之時巡瞻雲就日共慶此生之何幸日祝我

后之來遊茲者幸荷

鉅典之時修敬迓

乘輿之順動望中雲物隨罕畢以生新行處風光

傍山川而獻瑞奉

慈寧之悅豫疊慶重光撫黎庶之盈寧漸仁摩義

天庥與春陽共益

帝澤偕膏雨同流利用有資水衡之金錢山積艱



食未困

天庾之玉粒雲屯

詔下十行數百萬之積逋盡豁期加三月億萬戶  
之涸鮒旋甦偏災亦注以全神已飢已溺籽  
種且憂夫綿力人鞠人謀丁半丁全古猶著  
爲令甲一絲一粟今更誠及芻茭已無疾苦  
而  
清問偏勤早絕追呼而噢咻倍摯  
詔特寬夫

警蹕人盡仰夫

龍光老者安而少者懷桑柘陰中日拜朱提之惠  
行者謳而坐者起鶯花道上時騰鼓腹之休  
至若培植膠庠加增試額雞牕攻苦頓沾芹  
藻之香鹿野詠歌勝聽笙簧之響毛穎雖禿  
猶拜中書鳳閣何榮不遺下士况復

恩深舉廢

典重錄瑕吏議已絕望於三禡

綸言更生光於再命或重與冠裳之會銜擬冰清



南巡盛典 卷一百一十一  
或仍注文武之銓澤承露湛蠅聲蚓竅難厠  
鐘鏞之奏詎足上瀆

天聰錦爛霞鮮屢叨機杼之頒共獲羣章物采金  
貂賜則逢掖生溫錦佩垂而蓬茅動色更若

江河淮泗勤

法駕而特示機宜堰閘掃堤運  
神謨而洞明肯綮疇咨利濟不惜百萬之緡錢拯  
溺安全總切羣生之性命古今未有之  
殊遇高穹篤慶於

熙朝典冊豔述之隆儀僻壤欣圖夫王會逮夫

宸襟遠覽

睿賞遐宣晨露卿雲之藻海湧風飛銀書玉篆之  
文鸞翔鳳翥山稱萬歲合號靈巖範錫九疇  
看呈德水從此龍蟠虎踞之地藉

御墨而燦榮光卽至畫橋烟柳之鄉荷

天題而騰瑞靄德潛等嵩呼合志華祝同心仰  
帝德之巍巍難名

高厚沐



天恩之永永只戴

併蒙此日心旌共縈依於

龍樓鳳閣他年

玉輅重遊豫於虎阜麟洲卜

前聖

後聖之同符太和保合祝億人兆人之如願嘉吉

春賞鴻昌所有感激下忱應請據情代謝

天恩等情到臣等據此欽惟我

皇上與冊禮部之劉翰翰與沈國夫王會數夫

皇德懋生成行爲此藍具恩

天功符覆載

乘陽春而施惠恩如雨露均霑勤

法駕以省方澤與江流並永官弁紳士共拜

聖主之仁商賈軍民咸沐

大君之賜歡聲鼓動於閭里喜氣洋溢於冠裳感

激難名戴

天恩之高厚頌揚莫罄惟環顧以抒情今據安徽

布政使高晉江蘇布政使永寧詳據在籍紳



士沈德潛韓孝基等呈請代謝

天恩前來臣等不敢壅於

上聞謹會同安徽巡撫臣張師載江蘇巡撫臣王

師河道總督臣高斌漕運總督臣瑚寶安徽

學政臣雙慶江蘇學政臣莊有恭兩淮鹽政

臣吉慶合詞代

題恭謝

天恩伏乞

皇上睿鑒施行爲此謹具題

聞



閩浙總督

臣

喀爾吉善署浙江巡撫

臣

永貴

謹

奏為據實奏

聞事恭照今歲荷蒙

聖主俯順輿情恭奉

皇太后鑾輿

臨幸浙省惟茲

翠華南幸之年恭逢

六旬萬壽之慶凡屬臣民倍深忭舞今據浙省杭州



等十一府紳衿大學士陳世倌等耆民祝萬  
年等商人吳玉如等合詞具呈在於天竺淨  
慈二寺延僧諷經并於西湖各景亭恭設綵  
棚戲臺每處齊集叩祝

萬壽用展浙民歡忭微忱以遂萬姓呼嵩誠悃等情

詞到臣等臣等伏思

皇上孝事實奏

聖母至誠至敬超越千古今茲

巡方所至敬奉

安輿合億兆之歡心愈昭

聖孝之廣大臣等因紳士商民等各效巷舞衢歌

之誠預上

聖壽無疆之祝情詞懇切不敢壅於

上聞謹繕摺

奏明伏祈

聖鑒謹

奏奉

旨知道了欽此



天恩署浙江巡撫臣永貴謹

題為據情代

題恭謝

天恩事據浙江闔屬紳衿朱佩蓮等者民戴聖濡

合等請代

題恭謝

天恩等因呈府詳司道到臣據此看得東南轉運

本國家貢賦之常經金木穰饑亦天道盈虛

之恒數民皆望雨旱忽成七八月之間



南巡盛典 卷一百一十二 三五  
詔許留漕恩更出十二政之外欽惟我

皇上

痼瘵在抱

位育居心

合四海以爲家大君實乾坤之子

無一夫之不獲元后有父母之親六龍駕

金根和風匝地五雲蔭

華蓋甘雨自

天已荷疊沛之

恩更亟如傷之視因一方之旱寬兩稅之條五月

糶新深悉窮黎之苦三年無蓄恐滋艱食之

憂多截漕糧用資平糶

天庾玉粒何妨三百困空海甸香杭佇見十千歲

取

頒九霄之溫詔登萬姓於春臺舜瑟堯樽醞釀出

祥烟瑞露衢歌巷舞騰躍爲甘雨和風鑿茲

下情允宜上

達臣謹會同閩浙總督臣喀爾吉善合詞具



題伏乞

皇上睿鑒施行謹

題奉

旨知道了欽此

南巡盛典卷一百十三

奏議

兩江總督臣尹繼善等謹

奏為恭請

聖駕再舉南巡之典以慰臣民之望事竊惟省耕  
省斂頻殷補助於春秋一豫一遊遂協謳歌  
於兆庶在周禮所載則巡狩之制敬戒屬諸  
職方若雅頌所傳則時邁之章懷柔及於河  
嶽此皆古昔之鉅典尤為



盛世之隆規我

皇上

德洽羣生

仁周六服

法宮無逸既深宵旰之憂勞

御輦遙臨復歷郊原而清問惟

聖主無非為民之舉斯愚賤咸懷望

幸之忱伏思乾隆十六年春間敬奉

聖母皇太后南巡

大典為光臣黎交慶敦崇孝治萬方畢洽歡心

慰豫

慈懷所在親承

色笑更荷

湛恩倍出

睿慮精詳指示修防以衛民永卜河清海晏分別

蠲除以益下總期物阜人康優恤高年不僅

多頒粟帛重蘇積困爰為速發

帑金且禁供帳之繁華雖草木無滋擾累嚴屬



車之約束卽雞犬亦得恬熙是以吳山越水  
之間爭率清塵而灑道葑屋茅簷之衆共欣  
就

日而瞻

雲環老稚以歡呼迓

翠華而恐後皆謂

聖天子心誠懷保方勤求民瘼於

九重我萬姓情切尊親願時近

天顏於咫尺一自送

駕回鑾之日又盼省方問俗之期於今越有五年

聖旌久已顛然引領臣等備員茲土博採輿情非

徒文武臣工竚待

六飛之再屆實亦東南億兆思迎

萬乘之重來謹考昔年

聖祖仁皇帝屢巡江浙

閱視河工

深仁與天地同流

聖績垂古今丕煥我



南巡盛典 卷一百一十三  
皇上敬承

謨烈動念民依素惟澤國宣防尤厯

宸衷眷注茲當大工告竣高堰初成善後機宜正

賴

親臨指授安瀾底績還祈

睿照提撕前因西北軍興未敢卽行瀆奏今悉

天威遠振準夷稽首而歸誠

聖武布昭逆虜傾心而向化關塞息烽烟之警不

戰成功穹廬識

覆載之寬大生爲德納遐荒於在宥洵亘古所未

聞凱歌旣奏於邊庭舞蹈並深於衢路望

龍光者更深迫切求肆覲者倍篤瞻依所有一應

事宜臣等現在籌備仰懇

聖明俯從所請定明春之吉日邀

鑾輅以南巡庶江畔海濱更誌太平之盛事黃童

白叟常親

日月之光華臣等敬謹聯名合詞恭摺具

奏伏祈



皇上准賜降

旨遵行不勝踴躍待

命之至謹

奏乾隆二十年三月二十日奉

上諭恭載

恩綸

新水香更采以世來軀應香部萬部外似有一惠  
開道無到奏外數與我似並眾外滿亂壁

大學士 臣 陳世倌等謹

奏為西旅之膚功迅奏南邦之輿望彌殷請於

孔林展禮之餘載舉江浙

時巡之典以光

盛治以慰羣情事伏覩乾隆十六年恭遇

皇太后六旬萬壽

皇上祇奉

安輿巡幸南省型方訓俗察吏安民紹承

聖祖仁皇帝



家法一時

鴻恩疊沛

愷澤覃敷浹髓淪肌至深極厚迄今時閱五年南服歌思久而益摯茲者恭逢我

皇上布昭

聖武綏靖遐荒

景運彌光

宸衷益懋本月初六日表南派之典聖威遠播特頒諭旨於明歲春月

躬詣

先師孔子闕里廟廷展禮以申誠敬仰見我

皇上本崇儒重道之心厘保泰持盈之意彝章具

舉典則丕昭不獨東土蒙

恩實為萬方稱慶 臣等伏思江南與山左隣近越

中與吳下毗連兩省士民瞻雲就日之思匪

朝伊夕今聞

翠華近在東省延頸舉踵喁喁望

幸倍切平時若於曲阜



禮成之日順道

賜臨水驛舟航最爲近便况儲侍悉資

內府絲粟不擾民間仰惟

聖主之豫遊實屬閭閻之休助屬車歧望人有同

心恭懇

皇上俯允臣等所請就近

南巡應凱樂之昌期臻屢豐之嘉會自吏治民依

以及河防軍政諸大務無不仰邀

睿矚指示周詳地暨三吳兩浙之全時符五載一

巡之候用俾遠近紳衿黎庶再瞻

鑾輅親荷

龍光則愜民情而光

盛治實爲曠世之奇逢矣臣等身依

魏闕家在江鄉聽榆社之謳思同深雀躍近

楓宸而抒悃先効鳧趨爲此合詞具

奏乾隆二十年六月十三日奉

上諭恭載

恩綸



江蘇巡撫

臣

莊有恭謹

奏為奏明預行籌辦事竊照乾隆十六年春

翠華南幸准部咨行增鑄錢文沿途經過地方設局官賣以平錢價經前撫臣酌議奏明除歷年餘積各項錢文四萬四千五百餘串又加鑄八卯得錢二萬七千二百餘串又借撥兵餉錢二萬三千餘串三共錢九萬五千餘串分撥沿途設局官賣一時泉貨流通錢價並未昂貴本年三月二十九日欽奉



上諭南巡一應事宜俱令尹繼善酌量籌備靜候軍務就緒降旨遵行並寄莊有恭等知之欽此欽遵現將應辦事宜酌量撙節密行辦理惟查錢文一項必須預籌加鑄臨時始敷濟用臣等密飭細查現在蘇局錢文截至本年六月底除給發兵餉外僅餘錢一萬五千餘串若止照前加鑄八卯亦僅得錢二萬七千二百餘串恐不敷用應請加鑄十四卯可得錢四萬七千六百餘串再查鼓鑄工料價值

向係支給錢文今應請照時價庫平給銀兌買正鑄加鑄計可易存工料錢一萬六千六百餘串以上餉餘加鑄並易存工料共可得銀錢七萬九千三百餘串以此做照十六年之例恭候 聖駕經臨時分發各州縣設局官賣足可流通平價如有餘剩留充下年搭放兵餉至所需銅鉛錫筋查庫貯洋銅除供本年額鑄外尚存五十六萬餘筋可供加鑄之用惟鉛錫僅敷



額鑄必須採買除密飭藩司動支庫項預籌採買鉛錫查照加鑄外理合先行恭

奏伏祈

皇上睿鑒訓示謹

奏乾隆二十年六月三十日奉

硃批知道了欽此

大學士公<sub>臣</sub>傅恒等謹

奏爲遵

旨議奏事兩江總督尹繼善所奏增撥馬匹以備

差務一摺奉

硃批軍機大臣議奏欽此據稱江南所領馬匹原

爲預備差務應用今准部咨軍營餘剩馬匹

現在尙未起騰緩程趕至張家口約在九月

盡間則口外行數千里恐騰分愈減再自張

家口趕至江南又計程三千餘里沿途旣無



廠地可牧而新馬又不能驟加豆料難免疲乏且趕至江南已在冬底相近辦差之期雖加料喂養亦恐不能一律長臆設有貽悞關係匪輕現在趕至張家口馬計數尙有多餘仰懇於原奏一千三百匹之外再行撥給壯健馬五百匹所需馬價遵照部議卽交本省藩庫收貯報部撥用等語查本年六月內據江寧將軍請買馬二千二百匹京口將軍請買馬八百匹兩江總督請買馬一千三百匹

臣等酌議准其所請令各委妥員於八月盡間赴兵部報明該部會同理藩院各派司員帶同至張家口於軍營餘剩馬內照數撥給所有馬價均交藩庫收貯無庸解京等因在案今尹繼善奏稱接准部咨軍營餘剩馬匹現在尙未起臆趕至張家口約在九月盡間再趕至江南已在冬底雖加料喂養亦恐不能一律長臆請於原奏一千三百匹之外再撥給馬五百匹等語恭查明春



聖駕南巡該省預備差務需馬必多自應酌量多撥以免貽悞且軍營餘存馬匹其現議趕至張家口者共有一萬八千餘匹原議撥給該將軍總督等計馬四千三百匹其餘辦差省分浙江一省已據該督喀爾吉善奏到現在馬匹已足敷用毋庸購補山東一省據青州將軍咨部請撥應補馬四百五十六匹其巡撫各鎮卽有續請撥補馬匹大約亦不過數百匹是餘剩馬匹尙多應如尹繼善所奏准於原奏一千三百匹之外再撥給馬五百匹令該督委員赴部會同司員前往張家口一併照數撥領所有馬價銀兩仍照原議均交司庫存貯以備撥用俟

命下臣等交部行文該督尹繼善遵照辦理可也  
謹

奏乾隆二十年八月初五日奉  
旨依議欽此



命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...  
 命下... 同車... 符照... 命下... 同車... 符照... 命下... 同車... 符照...

大學士公臣傅恒等謹

奏為遵

旨事明春恭遇

聖駕巡幸江南該省應差馬匹現赴張家口於軍  
 營凱旋馬內領取四千餘匹應用但趕赴江  
 南尚需時日恐不能喂養臙壯臣等查河南  
 省綠旗營馬一千七百餘匹駐防官兵馬二  
 千五百餘匹除倒缺外現應有馬二千二百  
 餘匹二共馬四千餘匹擬於此內酌撥臙壯



馬二千五百匹交與江南則該省辦差足敷應用其河南撥缺馬數卽令江南委員將所領口馬就近解送撥還補額其應交馬價仍令江省按數解還藩庫如此則辦差省分可得臆壯之馬而豫省馬匹可以從容喂養一轉移間均有裨益是否有當伏候  
命下臣等行知各該省一面調撥委員解交令於  
奏請十一月內陸續到齊預備應用爲此謹

奏請

旨乾隆二十年九月二十五日奉

旨依議欽此







聖駕經臨時派出內大臣會同兵部給票監放嗣因管馬之員辦理不善稽查不嚴應差地方未曾分定彼此推諉而所議給票監放之法並未遵行僕從人等見馬卽搶牽馬兵丁又復私自藏匿以致應騎馬者多有步行此上屆馬匹貽悞之緣由也今次若不預爲籌定奏明辦理仍恐臨時雜沓貽悞匪輕臣悉心酌議此番預備之馬查照上屆仍約需六千餘匹臣寬餘多備共撥馬八千匹大江以北派

綠旗營馬四千匹伺應大江以南派江寧京口八旗馬四千匹伺應惟往江寧之時需馬較多八旗馬匹不敷仍於綠旗營馬內協濟公同伺應至支放馬匹江寧京口應各派副都統一員總理綠旗各營應派總兵官一員總理各按派定地方分撥伺應並懇

皇上特派大臣會同兵部臨期監放將應騎馬官員人等預先散給紅票以便驗票給馬但紅票若不分晰明白仍不免有牽混之弊應請



將紅票刊刷空白兵部填註銜姓馬數如每員騎馬五匹者給發一票有騎三四二匹者亦每員各給一票其太監拜唐阿人等或二人三馬或一人一馬如每人各給紅票一張未免紛繁應各行檔每處派一管理之員令將應騎馬匹若干查明總數彙給一票總須憑票支馬管馬官員驗票發馬卽將紅票存留至繳馬時給還紅票是領馬繳馬俱有憑據自不致多騎冒領一馬各派一兵沿途跟隨照管馬匹自不致於遺失如旗營之馬不能照數應付短少遲悞者將管馬之員嚴行叅處如有不照應騎之數混行搶奪者卽報明總理行營處嚴拿究懲其沿途

車駕進城及跟隨

御舟攆緯係暫時差使用馬不多無庸散給紅票以免太繁仍請總理行營處先一日將應需馬匹數目明白傳知次日五鼓齊集預備如此酌定章程實力妥辦庶乘騎馬匹不致牽



混應差弁兵不能躲避推諉而差使可免貽  
悞矣至某處應備馬匹若干沿途應散票幾  
次隨從官員人等作何分別等次每人應得  
騎馬若干之處伏乞

皇上勅交總理行營處詳悉定議奏明飭知以便  
遵行謹

奏乾隆二十年十月初二日奉  
硃批總理行營王大臣議奏欽此

兩江總督臣尹繼善謹

奏爲奏明事恭照明春

聖駕南巡經由水路凡

扈從官員人等需用乘坐船隻自應先期預備  
查上屆僱備船隻准到部咨派便民沙飛馬  
溜等船共四百六十六隻又令加一僱備以  
防碰漏更換之用原議臨期

特派大臣二三員會同兵部及地方官給發印票  
按照派定船隻散給如有不遵定數擅行搶



南巡盛典 卷二 三  
奪卽行叅處至所派船隻准其大小酌量抵  
算通融乘坐等因在案伏查船隻一項名色  
不一大小不同從前江省並未分晰清楚造  
冊達部部中約畧分派人數多寡未能合宜  
而所定船隻爲數太少人浮於船不能敷用  
且

特派大臣與兵部尙未到廠給發印票官員兵役  
人等已於二日前先到不論次序肆行搶奪  
不分大小任意多索管理船隻官員因無印  
票可憑勢不能不混行應付迨至辦理不清  
反行躲避此上屆辦船不妥之情形也今次  
若不詳細熟籌先將船隻名目每隻堪坐人  
數分晰達部誠恐部中無從核辦臨時又致  
紛雜臣悉心計議除頭二號沙飛頭號馬溜  
等船船身遲笨行駛不便均無庸僱備外現  
將適用各船共有幾種每船堪坐幾人分晰  
開單送總理行營處按照隨從官員兵丁人  
數核派船隻數目於十一月內造冊移咨江



省<sub>臣</sub>等交管船大員按冊派定於船頭之上各釘木牌寫明銜姓行檔并按次序排列河干以便分領但放船之時若不嚴定章程終難清楚并請

皇上特派大臣會同兵部於

聖駕登舟十日之先至備船水次率同本省管船大員將預備船隻逐一點驗明白其應坐船官員人等悉由兵部給發照票令各本員差家人先期齎票赴管理船隻大員處驗明照

依部票船數及何項船隻分交管船各員領至派定船隻處所交船收票其太監及拜唐阿兵丁等數人坐一船者難以人人給票亦照放馬之法每行檔派一管理之人彙給總票按數領船如船隻短少缺悞即將本省辦差之員嚴行叅處倘官員及跟隨人等仍有紛爭多索應報明總理行營處據實叅奏似此辦理可無爭船悞船之弊實於差務有益

臣 謹繕摺恭



奏伏乞

皇上睿鑒勅交總理行營處將某項官員應給何等船幾隻某項人等應幾人共坐何項船一隻詳細定議奏明並將需船約數先行飭知以便早為僱備敬謹遵行謹

奏乾隆二十年十月初二日奉  
硃批總理行營王大臣議奏欽此

兩江總督臣尹繼善謹

奏為奏請

聖鑒事恭照  
翠華南幸雖奉

諭旨暫緩而一切差務事宜仍須隨時從容辦理  
現在地方文員皆已委辦賑務而備弁等官  
必得熟諳差務明白幹練者方足以供驅使  
查有現在巡捕營當差江寧城守營俸滿千  
總王承爵乾隆十六年



南巡盛典 卷一百一十三  
聖駕南巡辦理差務甚屬勇往曾經前督臣黃廷  
桂奏請帶領引

見欽奉

諭旨著交軍機處記名在案該員才具幹練辦事

盡心曾隸臣標差使熟諳合無仰懇

聖恩將王承爵准臣帶往江南委辦差務如能奮

勉出力俟差務完竣遇有相當守備缺出容

臣量行

題補則該員感戴

天恩自必益加奮勵矣爲此繕摺恭

奏伏乞

皇上睿鑒謹

奏乾隆二十年十月十七日奉

旨王承爵准其帶往欽此



臣王承勳等奉命赴楚北  
奏詳前二十平十日奉  
皇上睿覽  
奏為

大學士公臣傅恒等謹

奏為遵

旨速議具奏事圖爾炳阿奏辦理解送江南馬匹

一摺奉

硃批軍機大臣速議具奏欽此據稱豫省綠營馬  
一千七百餘匹滿營馬二千二百餘匹按數  
酌派滿營應撥馬一千三百餘匹綠營應撥  
馬一千二百餘匹但滿營馬二千二百匹數  
內有報部存價並倒缺馬匹奉部停買外現



只有馬一千二百餘匹已於此內挑選一千匹其不敷馬匹應於扣存馬價內動支購買於附近各州縣代買三百匹以足派撥之數倘新買馬匹有臆分不足尙需喂養者先於豫省驛馬內挑選抽換庶馬匹可以卽時解送於豫省驛馬亦無短少其派撥各營馬二百餘千五百匹分爲十三起陸續行走均不致擁擠遲悞至喂養馬匹草料長途難以裹帶現令各營於馬匹離營之日卽將本營馬料截扣造報飭令沿途經過地方官照例供應並派委將弁稽查管押每馬二匹用兵一名晝牽夜喂所需日給官弁飯食兵丁口糧同馬匹草料等項循照豫省從前解甘馬匹成例照數動給於乾隆二十年耗羨項下支發事竣核實造銷其在江省境內經該地方官供應者應聽江省自行照例報銷其應解何處交收之處現咨詢江省候覆照辦所有撥補豫省馬匹應俟江省委員趕赴到日撥還各



南巡盛典 卷二十三  
標營補額等語查江省領取口馬一案前經  
臣等議准該署督尹繼善所奏令於豫省滿  
洲綠旗各標營酌撥臄壯馬二千五百匹交  
付江南應用其豫省撥缺馬數卽令江省委  
員將所領口馬就近解還補額等因在案今  
南巡大差雖經奉有

諭旨俟明歲秋成後再行奏請但此項馬匹原係  
江省各營應換勞傷馬匹之數而江省距口  
較遠長途牽趕馬匹必致疲乏若由豫抽撥  
而以口馬就近補缺於錢糧不致糜費於馬  
匹亦不致勞疲彼此均爲有益且豫省馬匹  
此時業經起程在途而江省所領馬匹亦將  
次赴豫若再行掣回徒滋往返自應仍照原  
議辦理今該撫圖爾炳阿所奏於綠營馬內  
挑選一千二百匹滿營馬內挑馬一千匹其  
不敷三百匹於滿營扣存馬價內代買足數  
其有臄分不足並於驛馬內挑撥抽換亦屬  
通融辦理之法至分起行走派弁管押及沿



途所需草料口糧照例支銷至江省境內則聽江省自行報銷之處籌辦尙爲妥協均應如所奏辦理其應於何處交收現據該督尹繼善稱業已札知豫撫令委員就近解交清江浦查收所有江省應還豫省口馬令江南委員解送開封交收補額所需盤費則暫聽豫省酌辦等語自應聽各該督撫酌量商辦務使錢糧不致糜費而兩省差撥馬匹均無缺乏可也俟

命下臣等交部行文尹繼善圖爾炳阿等遵照辦理謹

奏乾隆二十年十月十八日奉  
旨依議欽此



					<p>自為蕭煊也</p>	<p>奏諱劉二十辛十八日奉</p>	<p>命不朕善交</p>
--	--	--	--	--	--------------	-------------------	--------------



